



Broj: 04-50-2-32-1/16  
Sarajevo, 14.01.2016. godine

### Promocija inicijative za obilježavanje Svjetskog dana izbora: 4. februar 2016. godine

Na trećoj konferenciji Globalne izborne organizacije (Global Election Organization-GEO) koja je 2005. godine održana u Siofoku u Mađarskoj, izborni stručnjaci iz cijelog svijeta odaslali su veoma bitnu poruku o potrebi jačanja procesa demokratskog razvoja u cijelom svijetu. Zbog važnosti ove poruke, Udruženje evropskih izbornih zvaničnika (ACEEEO) je pokrenulo inicijativu da Generalna skupština Ujedinjenih nacija proglaši prvi četvrtak u februaru kao Svjetski dan izbora, a učesnici Konferencije su podržali ovu inicijativu.


Prvi četvrtak u februaru je predložen kao dan za obilježavanje Svjetskoj dana izbora budući da je većina međunarodnih sporazuma na polju izbora potpisana na ili oko ovog datuma.

Najvažniji cilj ove inicijative je promoviranje međunarodnih standarda za poštene i transparentne izbore, te podizanje svijesti o važnosti izbora za demokratske procese među biračima, izbornom administracijom, političkim strankama, kao i u javnosti.

U Bosni i Hercegovini ova manifestacija se obilježava od 2006. godine, a ove godine Centralna izborna komisija BiH će, zajedno sa izbornom administracijom na lokalnom nivou i drugim zainteresiranim akterima, u periodu od 15. januara do 15. februara 2016. godine organizirati niz aktivnosti u okviru "Mjeseca promocije slobodnih i demokratskih izbora".

Centralna izborna komisija BiH poziva sve općinske/gradske izborne komisije u Bosni i Hercegovini i zainteresirane strane da u okviru "Mjeseca promocije slobodnih i demokratskih izbora" u odgovarajućem terminu organiziraju neku od aktivnosti predloženih u Prijedlogu programa (u prilogu), a članovi Centralne izborne komisije BiH će razmotriti eventualnu posjetu općinskim/gradskim izbornim komisijama i mogućnost prisustva na pojedinim manifestacijama, prema pozivu.

Također, pozivamo međunarodne/donatorske organizacije i ambasade u BiH da pomognu realizaciju ovih aktivnosti.



**PRIJEDLOG PROGRAMA**  
**“Mjesec promocije slobodnih i demokratskih izbora”**

1. Održavanje svečane sjednice Centralne izborne komisije BiH.
2. Održavanje svečanih sjednica općinskih/gradskih izbornih komisija.
3. Organizacija prigodnih predavanja za učenike srednjih škola i/ili studente fakulteta na temu “Demokratski izbori” i simulacija izbora. Ohrabrujemo direktore srednjih škola/dekane i profesore fakulteta da organiziraju ovu aktivnost u saradnji sa općinskim/gradskim izbornim komisijama.
4. Predavanja za učenike srednjih škola na temu “Uključivanje mlađih ljudi u javni život na lokalnom nivou u BiH” (rad općina i općinskih vijeća) – projekat Udruženja izbornih zvaničnika u BiH (UIZBiH)- za više informacija kontaktirati UIZBiH na tel. +387 33 476 881.
5. Promocija važnosti izbora i biračkog prava sa naglaskom na mlade birače koji glasaju prvi put. Ohrabrujemo općinske/gradske izborne komisije da organiziraju nagradni natječaj za izradu:
  - najboljeg slogana ili
  - motivirajućeg radio-spota ili
  - motivirajućeg TV-spota
  - najboljeg postera ili
  - najbolje fotografije ili
  - najboljeg eseja na temu “Moji prvi izbori-moja očekivanja”.

Pobjednički radovi bi mogli biti korišteni u kampanji edukacije i motivacije koju provodi Centralna izborna komisija BiH.

6. Prezentacije novih tehnologija u izbornom procesu – (Smart System Solution doo Pale, SmartMatic, Scytl, Indra i dr.) - Centralna izborna komisija BiH, Odsjek za informaciono-komunikacijske tehnologije.
7. Saradnja tijela za provedbu izbora u zemlji i izvan zemlje u cilju razmjene iskustava i naučenih lekcija.

Centralna izborna komisija BiH će sve dostavljene izvještaje sa fotografijama sa ovih manifestacija objediti u konačni izvještaj i dostaviti ga Udruženju evropskih izbornih zvaničnika (ACEEEO), a isti će biti objavljeni na internet-stranici Centralne izborne komisije BiH te internet-stranici i Facebook stranici ACEEEO-a (<https://www.facebook.com/aceeee>).